

آبونه شرائطی

داخلی، خارجی، مریرایچون  
سنه لکی (۲۵۰)، آلتی آیلغی  
(۱۳۰) غروشدرد.

نسخه سی ۵ غروش،  
سنه لکی ۵۲ نسخه در

اداره خانه

باب عالی جاده سنده دائره مخصوصه  
اخطارات

آبونه بدلی پشیندر

اسلکه موافق آثار مع المنونیه  
قبول اولنور، درج ایدله یین  
بازیلر احاده اولونماز

والله یهدی من یشاء الی صراط مستقیم

محمد عاکف

اشرف ادیب

اتبعون اهدکم سبیل الرشاد

۱۲ صفر ۱۳۳۸ پنجشنبه ۶ تشرین اول ۱۲۳۵

عدد: ۴۴۷

# الکشاف

اخطارات

ادرس تبدیلنده آیریجه بش  
غروش کوندردیلیدر

مکتوبارک امضالری واضح  
واوقوناقلی اولسی و آبونه صره  
نومروستی محتوی بولمسی  
لازمدر

ممالک اجنیه ایچون آبونه اولانلرک  
آدرس لرینک فرانسه جده یازلمسی  
رجا اولنور

پاره کوندردیلکی زمان نهیه دایر  
اولدینی واضحاً بیلدیرلمسی  
رجا اولنور

جلد ۱۸

خطای فاحشی تعبیر و تلافی ایدم چکنی امید ابتدیکمز معارف نظارتی، حالا قابلیتسز معلم و معلمه لرله، دینی واجتماعی هیچ بر تأثیری کوریه میان کتابلرله تفتیشسز و مراقبه سز بر اقدینی مکاتبه اهالی نك کوزنی بویامقدمه دوام ایتسنه بر درلو عقل ایردیریلهمیور. بر قاج اهل مملک ايسه معاشات و ضمانتی بر لست معدنکارانه ده منتظماً اعطای اوله میهرق شوق و هوسلرینك کسر واستغایه معروض بر اقداسی، عدم دوام کوسترن صیانك و لیلری تجزیه ویا بونلرک در میان ایدم چکلری محق اعتراضاتنك دیکله نیلماستی، مکاتبك احتیاجات ضروریه سنك تسویه وتأمین اولنماسی، احوال نالایقه لری ثابت اولان معلم و معلمه لرک یرینه آدام بولنه مامستی معذرتیه اهالینك کوزی اوکنده طوتیلماستی، وحکم قانونك عدم تطبیقی کبی بر خطادن دیگر خطایه انتقالدن بشقه بر مرفق کوریه میور.

مرجع عاندینك دیدیکی کبی حقیقتاً فقط معلم تهاکوسی ایچنده ايسه ک شیمدی به قدر نه ایچون دارالمعلم و معلمانه، مکاتبی نقصان اك اوقاق منطقه لر اهالینك چوچقلری جلب ایدیلرله ک تحصیل ایتدیرمدک؟ هر محیطه لزومی اولان معلملری نه ایچون شیمدی به قدر یتشدیرمدک؟ انسانیتی یالکنز شهرلره حصر ایتدک؟ بوکون ايسه عینی خطایی تمقیده وطن وملت نامنه نه منفعت حس ایدیوروز؟ مثال اوله رق عرض ایدم چکم: شو اوچوز خانلی بر ناحیه ده بیگی متجاوزقازلری کودن، اك مضر حشراندن ده ابدتر بر درجه ده محصولات و میوه لره مسلط اولان وشو تجاوزلریله میوه و محصولی ادراک ایدم مدیکندن قطع اشجار و اثماره اصحابی مجبور ایدن صیانك بو اخلاقسز لئنك اسبابی ندر؟

علی ملا الناس سوقاق اورته لرند هر کون مشرت، هر درلو منیات وفحشیات وجنایاتی ارتکاب ایدنلرک اکثرینك بویکی یتشمه لر اولدینی، بونلرک معارف سز لکدن نشأت ایتدیکنی کیم انکار ایدم بیلیر؟ معارف نظارتی بر طرفدن کشاد، دیگر طرفدن سدیته دوام ایتدیکی مکاتب عالیه یرینه مکاتب ابتداییه وتالیه نك تکثیرینه بذل همت ایتدیکه وجودیله عدمنده نه فرق واردر؟

معارف مفتشلرینك مکاتبی اننای تفتیشده او محیط صیانك اخلاق واطواری حقنده رابورلریته بر ماده درج ایدیورلری... ایتدیرلرله معیار و مراجع اخلاق نره سیدر؟

نامنه اك آز الی غروش معارف امانه سی طرح و توزیع اولنان فقرای اهالی، چوچقلری، دوم و سائر اجنبی معلملرک ایلادی تعلیم و تربیه سینه ترك و تودیع ایتدیکه مجبور ایدیلرله که بوجه حقیقتاً يك یاز قیدر! وطنك حقیقی احتیاجنك تأمین و تطمین اولنسنده، اکثریت ملتی تمثیل ایدن عوام طبقه سنك آرزوی عمومیسنی اهاک ایتدک البت بر حدی واردر که، بو حدود تجاوز اولدینی کون بو اهاک اہانت نامنی آله جنی و بواہانتك نتایجی ايسه عوامی هر درلو جریانلری قبوله

آماده بولندیرمق کبی شایان تأسف نتیجه لر ویرم چکی واهالینك، وطنك نشو ونماسی اجنبی اللردن انتظار و حکومت مرکزیه دن قطع امید کبی لزومسز ملاحظاتی پیدرپی تأیید وتقویه ایدم چکی شبهه سزدر.

آمامری:

مصطفی نظمی

### هفته نك زهر لرندن

مملکتته و پای معنوی میقرو بلری نشر ایدنلرک سر کرده سی اولان و صحیه مدیریت عمومیه سنه مسلط اولدینی کوندن بری فحش وثیقه جیلکنی نشر و تعمیه کرمی ویرن معهود اجتهادچی شیمدی ده فحشک هیئت اجتماعیه نظرندک شاعتی ازاله ایدم چک فکر لر نشرینه باشلادی؛ فحشک منشای حقندک اختصا صکارانه مقاله سنی بو هفته اقدام غزیه سنی ایلله نشر ایتدی. کچنلرله اخلاقی اسلامیه بی یقان محررلرک مملکتنده صاحب دینی فساد تخملرینی يك توزل تشریح ایدن و بوقیل مفسدتلره قارشى مطبوعاتی مجاهده یه دعوت ایدن اقدام رفیقمرک، بوکون ده فحشی اباحه ایدن اصوللر مروجی اولان بر آدمک کنجلی اضلال و افساد ایدم چک یازیلری ستونلریته کچیرمسی نه قدر تضاد تشکیل ایدن بر حالدر. مملکتک محتی، حیاتی مدھش خسته لقلرک تحت تهدیدنده بولونیورکن معهود اجتهادچی بر طرفدن فحش وثیقه جیلکنی فعلاً تعمیم ایدیور، دیگر طرفدن ده افکاری بو ذھنیه آلیشدیرمق ایچون غزیه لرله نشر یاند بولونیور. آکلاشیلیور که بو آدم بو مسئله ایلله اوغراشمقندن، فحش وثیقه جیلکنی نشر و تعمیمدن بر ذوق مخصوص طویور. اودرجه که مقصدینی ترویج ایچون استانبولک هان بوتون عالمه لرینی تلویشه بیلر جرأت ایتدی. ملنك حیثیت اخلاقیه سنی تذیل ایدن بو افتوالر اجنبی مطبوعاتی واسطه سینه بوتون جهان یاییلدی. مساعینك بکله دیکي ثمره لری ویردیکنی، معهود پروگرامنی تطبیق خصوصنده فوقنده کی تحوللرک هیچ برینك کندینسه تأثیری اولما دیقنی کوردکجه جرأتی آرتدیردی. شیمدی ده فحش رذالتی بر امر اعتباری کوسترمک ایچون نشر یانه باشلایور. ارتیق بوکا قارشى دییه چک سوز قالمامشدر. «ان الله یأمرکم ان تؤدوا الامانات الی اهلها» امر جلیلی اجر او تطبیق خصوصنده اولیای امورک کوستردکلری اصابت الحق سزاوار تقدیرده را بو کیدیشله و بادکل، ای که الله باشمزه طاش یاغدی رما یور.

\*\*\*

«مسلمانندن اول عریم، جمله سنی تقوه ایدن محترم نه بویوک بر جنایت ارتکاب ایتدیکنی، سنه نردن بری تورکی عربدن آیرمق ایچون چالیشانلرک الله نه بیس بر سلاح ویردیکنی کورسده ده یابدینی خطادن توبه کار اوله رق «من دعی الی عصیة فلیس منا...» بویوران پیغمبر کزینك دائرة جلیله سنه تکرار کیرم بیلیمک ایچون الله یالوارسه... بومنسبتله سلیمان نظیف بکک وضلال سی ده بکله «هدی» یه متقلب اولور.

## مستر مارمادوق بیقتهول

بو نسخه مزده کوروله جکی اوزره لوندرده سنی وشی و سائر  
مال اسلامیہ منسوب ذواتدن مرکب مسلمان قونفرده سی ذات حضرت  
خلافتناهی یه لایزلزل حسابات صدیقی تأیید ایتشدرد. تلفرافک زیرنده  
رئیس صفیلہ واضع امضا مارمادوق بیقتهول چوقدن بری وبالخاصه  
متار که نک عقدندن سوکرده دولتمزک تأییدی، تمامیت ملکیه مزک محافظه سی،  
هیچ بر تجاوز و اغرامامسی ایچون کیجه کوندوز چالیشمش الی غیرتلی، ال  
مقتدر دینداشلمز دندر. کندیسکی انکلیزدر وانکلتزه نک اکابر  
محرریندرد. اوزون تدقیقات و تبعات نتیجه سنده مسلمانلغک دین حق  
اولدوغنی تقدیر ایدرک دین مینمزله ندین ایتشی و دائره ناجیه اسلامه  
داخل اولمشدر. او وقتدن بری کندی قومی آرمه سنده حقائق اسلامیہ  
نشر و تبلیغه غیرت ایتشی و از جمله هندستانی دینداشلمزک بر محمول  
جمعی اولان لوندرده مسجد شریفنده مواعظ دینیہ ایراد ایتکده  
بولمشدر.

بز بوموعظه لک برچوغنی مطالعہ ایتدک. آیات قرآنیہ ی، احادیث  
نبویہ ی، تفسیر ایتسندہ کی اقتدارندن وبالخاصه بونلری تقریر  
و تفسیر ایدرکن افاده سنده منطبع اولان هیجان و صمیمیتدن، افکارینک  
یو کسکلکنندن آکلادق که مارمادوق بیقتهولک روحنده مسلمانلق  
بتون عظمت و علویتله یاشیور. بوسوزمنی توثیق ایتک ایچون مومی الیهک  
مواعظندن بر قاج فقره اقتباس ایتیهی مناسب کورینیور.

«موقفیت او غورنده چکیلجک مزاج» سرنامہ سنی طاشیان بر  
خطابه دینده، باقیکنز، مومی الیه نه دییور:

«بزم بو کوچک انکلیز جماعت اسلامیہ سنک، حال حاضرده ایجا  
ایده جکی یک مهم، یک شانلی بروطیفه سی واردر. بز، حقیقه مرهانیکی  
جماعت اسلامیہ دن زیاده بوکون اسلامک مبادی انتشارنده کی کتیبه  
اصحابه بکزیورز. بونلر ضعیف و مهمل بر جماعت عد ایدیلوردی،  
اولیه اماء پیغمبر مزک شرف صحبتندن محروم، دییه جکسکر. طوغرو،  
فقط اونک بتون تعالیمی بزہ انتقال ایتشدرد. ایشته قرآن زملمه برابردر.  
علیه الصلاة والسلام اقدامزله نیم و هیکزک نفسی ید قدرتمند طوتان  
الله تعالی بزملمه در. اونک عنایت الهیه سی، مبادی اسلامک انتشارنده  
مکلی و مدینه لی اسلافزک امدادیتہ یتیشدیک کی بزمده امدادیمزه  
یتیشه جکدر. دنیاده ایکی فرقه آرمه سنده دوام ایدن بیوک مجاهدده  
بزمده حصه من واردر. بوایکی فرقه دن بری مصنوعات بشریه ی مرش  
الوہیتہ اصماد ایتک ایستیور و بناء علیہ بت پرستدر. دیگرکی بتون  
عالمک یکانه خالق اولان الله تعالی نک بتون انسانیتجه طائمه سی ایچون  
چالیشیور. امین اولیکز که اللهی آرامایان هیچ بروقت اونی بولماز.  
اونی آرایکنز. اونک بولنده چالیشیکز. عبادتکزه کال اخلاص  
ایله دوام ایدیکز. رحیم و شفیع اولیکز. بویله پارسه کز اونک  
عنایت الهیه سنی حس ایدرسکر. و آکلارسیکنز که سعادت حقیقه

اوتقوهله بو «ضلال» بعض دماغلرده نه قدرده مظهر تقدیر  
اولدی! خالده ادیب خانمہ بیله مضمیری اظهار ایچون کوزل بر فرصت  
بخش ایتدی. فقط خالده خانم بو کی مسائل اسلامیہ مداخله  
ایتسه لرده کندی دائره اختصاصلری داخلنده اولان مسائل ادبیہ  
ایله، کوزل کوزل عاشقانه حکایه لرله اشتغال ایتسه لر هم ده زیاده موفق  
اولورلر، همده افکار اسلامیہ ی رنجیده ایتکدن توقی تراکتی ابراز  
بویورمش اولورلر. جهاد کی، عصیت قومیہ کی دینه تعلق ایدن  
مسئله لرده خالده خانم قاریشقی طرفدار ی بولونیورلرله اولادین  
اسلام حقیقه کی نقطه نظرلری بیلدیرملری اقتضا ایدر. یک زیاده  
سودیکنی، داغما باشی اوچنده بولوندردیغنی سویلیدیکی [۱] تورات ویا  
انجیلدن کتیریه جک دلیللر ایله بومسئله لر حل ایدلمش اوله ماز. اونک  
ایچون دییورز که، خانم افندی، بزمزک عقائد اجتماعیه کزه، قومیت  
خصوصیه کزه قاریشما دیغمز کی، سزده بزم عقائد دینیه مزه، ملیت  
اسلامیه مزه زیاندارلق ایتسه کز ای اولور.

ایلری خزنه سنک محررہ سی امینہ سمیه خانم (اسلام قادینلری)  
حقیقه جنرال فولون ایله بر ملاقات اجرا ایلور. مومی الیه سیرورده  
ایکن جنرال ایله تشریفه (آداب و عنعناتمز) ک مانع اولدیغنی قید  
ایتدکن سوکره (حرم) حیاتی حقیقه بیاناتده بولونیور. و هیچده  
مناسبتی اولدیغنی خالده «عربستان کی تفصیه اسیر محیطلر» دییه افتراده  
بولونیور. مخاطبه قارش «فرانسز علم و عرفانیله یتیشن بوتون تورک لک  
قلبنده بولونان فرانسز لری سومک حسی یک صمیمی و ایدیدر. کلات  
نوازشکارانه سیله ابراز تراکت بویوران مومی الیه انک کائناتک مفخری  
بر پیغمبر کزین یتیشدیرن بر محیط حقیقه افتراده بولمنی هیچده خانم لہ  
باقیشیر بر تربیه دکدر. باخصوص جودت پاشانک کریمه سندن بو  
طاشقینلق بکله نمزدی. «تورک قادینلرینک اجتماعی انقلابلرینک  
باشلانمچنده اولدیغنی، سویله ی مومی الیه قادینلرک بوکونکی متردی  
حالیله افتخار دکل، قادین اولق اعتباریله هجابندن یلره کچمک  
ایجاب ایدردی. قبالی چارشاف آلتند و قفسلر آرقه سنده ایکن اسلام  
قادینی بر فضیلت حیاتی یاشایوردی، فظرتنه موهوب اولان وظیفه  
یتیه سنی ایفا ایله حیات اجتماعیه ی تحکیم ایدن بر عنصر کزیندی.  
شمیدی ایسه قفسلری قیرانلر، یوزلرنده کی ستره هجابلری پیرتانیلر  
«وثیقه» پشندده قوشیورلر. آداب و عنعناتمزک اجنبیلرله تشریفه مانع  
اولدیغنی زمانلر اسلام قادینلری وثیقه نه در بیللمزلردی، درلو درلو  
خیث خسته لقلردن منز و مبرا ایدیلر.

آه، آداب و عنعناتی هوس و احتراماتی ایچون قاتی اللریله بیقان  
خان ارککلر! قولایجه جق دام اغفالته دوشورمک ایچون قادینی  
فضیلت و حیادن تجرید ایدرک سواقلره دوکن سفیه و غدار ارککلر!  
شیمدی بولوخه تردینک قارشوسنه کچمش، قادینی یو وارلمقده اولدیغنی  
تحقیق سفاهتده ترنم ایتدیرینیورلر!!